





## დაუჯდომელი ივერიის ღმრთისმშობლის ხატისა, ქართულად წოდებულისა

ლოცვითა წმიდათა მამათა ჩუენთათა, უფალო იესუ ქრისტე,  
ღმერთო ჩუენო, შეგვიწყალებ ჩუენ, ამენ.

დიდებაი შენდა, ღმერთო ჩუენო, დიდებაი შენდა.

მეუფეო ზეცათაო, ნუგეშინისმცემელო, სულო ჭეშმარიტებისაო,  
რომელი ყოველგან ხარ და ყოველსავე ადავსებ მადლითა შენითა,  
საუნჯეო კეთილთაო, მომნიჭებელო ცხოვრებისაო, მოვედ და  
დაემკვიდრე ჩუენ შორის და წმიდა-მყვენ ჩუენ ყოვლისაგან ბიწისა  
და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგვიწყალებ  
ჩუენ (3-გ ზის).

დიდებაი მამასა და ძესა და წმიდასა სულსა, აწ და მარადის და  
უკუნითი უკუნისამდე, ამინ.

ყოვლადწმიდაო სამებაო, შეგვიწყალებ ჩუენ; უფალო, გვიხსენ და  
გვილხინე ცოდვათა ჩუენთაგან; მეუფეო, შეგვიინდვენ უმჯულოებანი  
ჩუენნი; წმიდაო მოიხილე და განჰკურნენ უძლურებანი ჩუენნი  
სახელისა შენისათვის.

უფალო, შეგვიწყალებ (3-გ ზის).

დიდებაი მამასა და ძესა და წმიდასა სულსა, აწ და მარადის და  
უკუნითი უკუნისამდე, ამენ.

მამაო ჩუენო, რომელი ხარ ცათა შინა, წმიდა იყავნ სახელი შენი,  
მოვედინ სუფევაი შენი, იყავნ ნებაი შენი, ვითარცა ცათა შინა, ეგრეცა  
ქუეყანასა ზედა, პური ჩუენი არსობისაი მომეც ჩუენ დღეს, და  
მომიტევენ ჩუენ თანანადებნი ჩუენნი, ვითარცა ჩუენ მიუტევებთ

თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიხსნენ ჩუენ ბოროტისაგან.

*მღდეღმან: რამეთუ შენი არს სუფევაი...*

უფალო, შეგვიწყალენ (12-გ ზის).

დიდებაი მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ ქრისტესა მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ თვით ქრისტესა მეუფესა და ღმერთსა ჩუენსა.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღხოცე უშჯულოებაი ჩემი. უფროის განმბანე მე უშჯულოებისა ჩემისაგან და ცოდვათა ჩემთაგან განმწმიდე მე, რამეთუ უშჯულოებაი ჩემი მე უწყი, და ცოდვაი ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ, რაითა განმართლდე სიტყუათაგან შენთა და სძლო სჯასა შენსა, რამეთუ ესერა, უშჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა, ჭემმარიტებაი შეიყუარე, უჩინონი და დაფარულნი სიბრძნისა შენისანი გამომიცხადენ მე. მასხურო მე უსუპითა და განვწმიდნე მე, განმბანო მე და უფროის თოვლისა განვსპეტაკნე. მასმინო მე გალობაი და სიხარული და იხარებდენ ძუალნი დამდაბლებულნი. გარე მიაქციე პირი შენი ცოდვათა ჩემთაგან და ყოველნი უშჯულოებანი ჩემნი აღხოცენ. გული წმიდაი დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. -მომეც მე სიხარული მაცხოვარებისა შენისაი და სულითა მთავრობისაითა დამამტკიცე მე. ვასწავლნე უშჯულოთა

გზანი შენნი და უღმრთონი შენდა მოიქცენ. მიხსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენაი ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხოვდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკუერთხი არა გთნდეს. მსხუერპლი ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღეშენენ ზღუდენი იერუსალეიმისანი. მაშინ გთნდეს მსხუერპლი სიმართლისაი, შესაწირავი და ყოვლად-დასაწუელი, მაშინ შეიწირნენ საკურთხეველსა შენსა ზედა ზუარაკნი.

### კონდაკი 1

ყოველთა ნათესავთაგან გამორჩეულო დედაო ღმრთისაო და დედოფალო ზეცისა და ქუეყანისაო, რომელნი ღირს ვიქმენით ხილვად ბრწყინვალისა ამის ხატისა შენისა, სარწმუნოები-თა გიგალობთ შენ და შეგამკობთ ქებითა საღმრთოთა, არამედ ვითარცა უწყი უძლურებად ბუნებისა ჩუენისად, შეიწირე ვედრებად ჩუენი და გვკსენ ყოვლისაგან ჭირისა და საფრჯისაგან მტერისადათა, რადათა გიგალობდეთ შენ, კურთხეულო: გიხაროდენ, სძალო უსძლოო.

### იკოსი 1

მწყობრნი მთავარანგელოზთა და ანგელოზთანი დიდებისგმეტყუელებენ შენ, ქალწულო, ღმრთისა დედაო, და ზეცისა ძალთა კრებულნი დაუდუმებელად გადიდებენ და გიგალობენ შენ, ვითარცა ზეციერისა მკედრობისა მეუფისა მშობელსა, ხოლო ჩუენ სარწმუნოებითა ამბორს-უყოფთ საკვრველსა ხატსა შენსა, უბიწოლო, და ძალისაებრ ჩუენისა შეგითხზნავთ გალობასა:

გიხაროდენ, წმიდასა შინა წმიდათასა აღზრდილო სძალო მამისაო  
და სულისა წმიდისა სამკვდრებელო;  
გიხაროდენ, სიტყვსა ღმრთისა წმიდაო საყოფელო;  
გიხაროდენ, მართლმადიდებელთა ძლიერო საჭურველო;  
გიხაროდენ, დიდებისა ღმრთისა სულიერო ტაძარო;  
გიხაროდენ, ქალწულთა წინამძღუარო;  
გიხაროდენ, წიაღსა შინა შენსა უკუდავისა ღმრთისა დამტევნელო;  
გიხაროდენ, ქალაქო ღმრთისაო დიდებულო, მთასა ზედა  
დაშენებულო;  
გიხაროდენ, კიდობანო ძუელისა და ახლისა სჯულისაო, ქალაქსა  
სამეუფოსა დასაყდრებულო;  
გიხაროდენ, წინადასწარმეტყუელთაგან დედად ღმრთისა წინადასწარ  
ქადაგებულო;  
გიხაროდენ, კიბეო, ქუეყანასა ზედა ღმრთისა გარდმომყუანებელო;  
გიხაროდენ, კიდო, ზესთა სოფლად კაცთა ამამალლებელო;  
გიხაროდენ, ქრისტეანეთა მეოხო, უფლისაგან ბოძებულო;  
გიხაროდენ, სძალო უსძლოო.

## კონდაკი 2

ოდეს უთანხმოებამან ქართველთამან კადნიერ-ყო შაჰ-აბაზ,  
განძვნილი შემოხდა მამულად ჩუენდა, აღაოხრა კახეთი, და  
წარტყუნა, დასწვა, და აღივსო ალაფითა, მაშინ წარიტაცეს ხატიცა  
ერთი უბიწოდასა დედისაჲ, მარიამ ქალწულისაჲ და წარიხუნეს  
სპარსეთსა, გარნა მიუმცნეს რაჲ კეთილსახიერებაჲ ხატიცაჲ  
სტეფანეს, ისპაჰანს მყოფსა რუსეთისა მკვდრსა, ზეგარდამოთა  
შეწევნითა შეისყიდა და მადლი და დიდებაჲ უფალსა შესწირნა:  
აღილუია.

## იკოსი 2

ეჰა, დიდებაჲ საკვრველებათა შენთა, ღმრთისმშობელო, რამეთუ  
ძილსა შინა გამოუჩნდი ფრიად მოყუარესა შენსა გიორგის,

იაროსლავისა მკვდრსა და ახარე მნისაგან მისისა ხატისა შენისა მოპოვებაჲ და რქვი: „მნებავს, რადთა შენ მიერ დიდებითა წაბრძანდეს ხატი ესე ჩემი ჩერნიგორისა სავანესა“, ხოლო სათნომყოფელსა ღმრთისასა ეწადა რად გამოცხადებისა მის მიუწდომელისა საიდუმლოდსა შეცნობაჲ, აუწყებდა პატრიარქსა ჩუენებასა ამას, და ჳმითა მადლობისაჲთა გიძღუნოდა ქებასა:

გიხაროდენ, უბიწოჲთა შობითა კაცობრივისა თბისა განმადმრთობელო;

გიხაროდენ, ჳრულითა მცონარებისაჲთა შეპყრობილთა განმამჳნობელო;

გიხაროდენ, განდიდებითა სასწაულთა შენთაჲთა ერთგულთა გონებისა განმაბრძნობელო;

გიხაროდენ, უნაყოფოდსა და უძრავისა სარწმუნოებისა ჩუენისა განმაცხოველებელო;

გიხაროდენ, მადლითა საღმრთოჲთა მორწმუნეთა განმანათლებელო;

გიხაროდენ, კაცთა განხრწნილისა ბუნებისა განმაახლებელო;

გიხაროდენ, სუსტისა და შერყეულისა ნებისა განმამტკიცებელო;

გიხაროდენ, შეჭირვებულთა სულთა მსწრაფლ განმაცისკრებელო;

გიხაროდენ, ღრმად დაძინებულისა და დადუმებულისა სჳნდისისა ჩუენისა განმალჳძებელო;

გიხაროდენ, სენთა მრავალფერთა და უძღურებათა განმდევნელო;

გიხაროდენ, მწიკულევანთა და მრავალშეცოდებულთა სულთა განმწმედელო;

გიხაროდენ, ყოვლისა ბოროტისაგან და ყოვლისაგან მანქანებისა საეშმაკოდსაგან გამომჳსნელო;

გიხაროდენ, სძალო უსძლოო.

### კონდაკი 3

რაჳამს ძღვეჳამემოსილი ხატი შენი კეთილმნებებლობითა შენითა მიბრძანდა არეთა არხანგელსკისათა, მღდელ-მთავარნი და ერნი მღდელთა თანა წინა მიეგებნეს ლიტანიობითა და ეძიებდეს რად

შენგან დაცვასა და მოწყალებასა, სარწმუნოებითა თაყუანს-სცემდეს წმიდასა ხატსა შენსა, უბიწოო, და ბრწყინვალისა ჳმითა უმეტესად ადიდებდეს და მადლობდეს ძესა შენსა და მეუფესა ქრისტესა: ალილუია.

### იკოსი 3

მსგავსად ღმრთივმავალისა ვარსკულავისა მოევლინა ხატი შენი, ივერით წარტყვენილი დვინისა სანახებსა, და მიებოძა ჩერნიგორის სავანესა წინდად მოწყალეებისა და ცხორებისა, ხოლო კრებულნი მამათანი და სამწყსონი მათნი სასოებითა მტკიცითა მოელოდეს რად საუნჯესა უპატიოსნესსა, სიხარულითა სავსენი შეემთხვივნეს, დედოფალო, და ყოველთა ვნებათა ზესთა ექმნებოდეს თაყუანისცემითა და გალობითა წინაშე ყოვლად ბრწყინვალისა ხატისა შენისაძთა:

გიხაროდენ, სახელოვანთა წინაპართა ჩუენთა მიერ ნაღვაწითა ხატითა ჩრდილოდსა ქუეყანისა განმაბრწყინვებელო;  
გიხაროდენ, ურიცხვთა და საკვრველთა სასწაულთა მიერ ჩერნიგორისა სავანისა განმადიდებელო;  
გიხაროდენ, ბერ-მონაზონთა ღუაწლთა შინა განმამტკიცებელო;  
გიხაროდენ, ხატისა შენისათჳს ახლისა სამკვდრებელისა მბოძებელო;  
გიხაროდენ, მოყუასისა სიყუარულისა და კეთილზნეობისა მასწავლელო;  
გიხაროდენ, სულისა ცხონებისა მნებებელთა თანამბრძოლო და მფარველო;  
გიხაროდენ, ზოგად-ცხორებულთა მონასტერთა ღმრთეებრივითა საფარველითა დამფარველო;  
გიხაროდენ, სიყმილითა შეიწრებულთა საკვრველებითა დამაპურებელო;  
გიხაროდენ, უდაბნოთა, მთათა და სენაკთა შინა დამკვდრებულთა მცველო მიურულებელო და უძლეველო;  
გიხაროდენ, სენაკთა შინა აღვლენილთა ლოცვათა მსწრაფლ-

შემსმენელო;

გიხაროდენ, უბიწოთა მოქალაქეთა და სათნოდ ღმრთისა

ცხორებულთა შემყუარებელო;

გიხაროდენ, მონაზვნურისა ცხორებისა მაკურთხეველო;

გიხაროდენ, სძალო უსძლოო.

#### კონდაკი 4

ვითარცა ხარ შენ კურნებათა უფსკრული და წყაროდ კეთილთა დაუსრულებელთა, ეგრეთვე ხატსა შენსა აქუნდა ძალი და მადლი

კურნებისად ძისა მიერ შენისა, და რაჟამს აჩუენე მსწრაფლი იგი

შეწევნად შენი სავანესა შინა მოღუაწეთა და მუნ ლოცვად

მოსწრაფეთა, მიერთგან შეიწყნარა საკვრველი ხატი შენი,

ქართულად წოდებული, რუსეთის წმიდამან ეკლესიამან, და წლითი-

წლად აღასრულებდა რად დღესა გამოჩინებისა ხატისა შენისასა,

ღმრთისმსახურებითა ჯეროვანითა შესწირავდა უფალსა ჳმასა ამას

საღმრთოდსა ქებისასა: ალილუია.

#### იკოსი 4

იჭვნეულითა ზრახვებითა აღელდა ბერი პიტირიმი, ოდეს იხილა

ნათლისა ბრწყინვალეზად, და ჰგონებდა ეშმაკისა საცთურებასა,

რამეთუ ყრუდ იყო და ბრმად იგი, მაშინ ნიშითა პატოსანისა

ჯუარისადთა დაიბეჭდა თავი თვისი, და მეყუსეულად იხილა რად

საკვრველთმოქმედი ხატი შენი, ღმრთისმშობელო, მსწრაფლ

გულისჳმაყო, ვითარმედ აღეხილნეს თუალნი და განეხუნეს ყურნი

მისნი, და ძრწოლით თაყუანის-გცა და აღმოსთქუა:

გიხაროდენ, პირველ-მშობელთა წყევისა და ცოდვათა ჳელით-  
წერილისა აღმცოცველო;

გიხაროდენ, შენდამი მოლტოლვილთა მშჳდობითა და

სიყუარულითა აღმავსებელო;

გიხაროდენ, დედობრივისა სიტკბოებისა მარადის

აღმომადინებელი;  
გიხაროდენ, წადიერებითა მვედრებელთა შენთათჳს დაუწყვედელთა  
კურნებათა აღმომაცენებელი;  
გიხაროდენ, მკურნალთაგან მიტოვებულთა სნეულთა  
სარეცელთაგან აღმადგინებელი;  
გიხაროდენ, ყოველთა განწირულთა სასოო და დაცემულთა  
აღმმართებელი;  
გიხაროდენ, სინანულისა ძლით შეცოდებულთა ლოცვად  
აღმძრველი;  
გიხაროდენ, ცუდთა ლტოლვათა აღვირ-აღმსხმელი;  
გიხაროდენ, ბოროტთა და მავნებელთა ჩუეულებათა აღმკვეთელი;  
გიხაროდენ, კეთილთა ზრახვათა აღმასრულებელი;  
გიხაროდენ, ნათესავსაცა ამას ქართველთასა აღმატებულითა  
სიხარულითა ამამაღლებელი  
გიხაროდენ, მწუხარებისა სიხარულად გარდამქცეველი;  
გიხაროდენ, სძალო უსძლოო.

## კონდაკი 5

ესმა რად კეთილმორწმუნესა ჳელმწიფესა სრულიად რუსეთისასა,  
რამეთუ საკვრველთმოქმედი ხატი შენი აღმოაცენებდა კურნებასა  
პირად-პირადსა, ბრძანა შემოტარებად ქალაქითი ქალაქად და  
სოფლითი სოფლად, რადთა სარწმუნოებითა მვედრებელნი  
მოისტულებდეს კურნებასა სულთა და ჳორცთა მათთასა, და  
სიყუარულითა ადიდებდეს შენგან შობილსა ქრისტესა, მეუფესა და  
ღმერთსა: ალილუია.

## იკოსი 5

რაჟამს მოსკოვ-ქალაქსა შინა მძვნვარებდა შავი ჳირი და სავნებელი,  
საკვრველთმოქმედი ხატი შენი, ღმრთისმშობელი, დაასუენეს  
ტამარსა შინა სამ-გუამოვანისა სამებისასა და განერა ქალაქი იგი შენ  
მიერ, ჳირთა და ურვათაგან, მაშინ ხატმწერთა კრემლისადთა

გარდამოიხატეს პირი ხატისა შენისაჲ და განამრავლეს ნიჰნი მადლისანი, ხოლო შენ სასწაულთა მისგანაც აღმოადინებდი და უზესთაეს მზისა გამოუბრწყინებდი შეწევნისა შენისა საბოძვართა, მისდამი მიახლებულთა და სურვილით მგალობელთა:

გიხაროდენ, ჯურვებათაგან დაკვეთებულთა აღმადგინებელო;

გიხაროდენ, ნებისყოფელთა შენთათჳს ქრისტეს სასუფეველისა კარისა განმღებელო;

გიხაროდენ, ეკლესიის მადლისაგან მოკლებულთა განმაცხოველებელო;

გიხაროდენ, არაწმიდა სულთაგან ვნებულთა განმკურვნელო;

გიხაროდენ, უმეცრებისა ნისლითა დაფარულთა განმანათლებელო;

გიხაროდენ, ეშმაკთა გუნდისა დამცემელო და სრულიად განმაქარვებელო;

გიხაროდენ, ამბოხისა და ბრძოლისაგან განმარინებელო;

გიხაროდენ, საფრჯეთა მტერისაჲთა განმაქიქებელო;

გიხაროდენ, დედობრივითა მეოხებითა მრავალთა წარწყმედისაგან გამომჯსნელო;

გიხაროდენ, გამოუცდელთა და უჰასაკოთა ჭაბუკთა ვნებულთა გულისთქუმათაგან დამფარველო;

გიხაროდენ, სატანისა მახეთაგან და უცხო თესლთა ზედა მოსლვისაგან დამცველო;

გიხაროდენ, კეთილთა სათნოებათა დამნერგველო;

გიხაროდენ, სძალო უსძლოო.

## კონდაკი 6

მაშინ განბრწყინდა დიდებაჲ ღმრთისაჲ ხატისაგან შენისა, უბიწოო, რამეთუ ჭირთა და განსაცდელთა მიერ შეიწრებულნი მისდა მიივლტოდენ მჯურვალედ შეწევნისა შენისა სასოებითა, და მადლთა და ნიშთა შენთა სიმრავლისა და წყალობისა შენისა სიმადლისა მაქებულნი, დიდებასა შესწირვიდენ ძისა მიმართ შენისა: ალილუია.

## იკოსი 6

იხილე რაჲ ვეცხლის-მჭედელი გაბრიელი, რამეთუ არა დასცხრებოდა ვედრებად წინაშე ხატისა შენისა, შეიწყალე სარეცელსა ზედა მდებარე სნეული ძჳ მისი და მეყსეულად განჰკურნე გუემულეებისაგან, მაშინ თაყუანის-გცეს, კურთხეულო დედაო და ქალწულო, გარემოდს ხატისა შენისა მდგომარეთა, რომელთა თანა ჩუენცა სარწმუნოებითა შეერთებულნი გილაღადებთ, ვითარცა მსწრაფლ-შემწესა ჩუენსა და ჯელისაღმპყრობელსა:

გიხაროდენ, სიყუარულითა და სურჯლით შენდამი შემოწირულისა ლოცვისა მოწყალებითა მიმღებელო;

გიხაროდენ, ურწმუნოთა კაცთა სარწმუნოებად მიმყუანებელო;

გიხაროდენ, საღმრთოდსა შურისა და კრძალულებისა მასწავლელო;

გიხაროდენ, ყოველთა პატიოსანთა მეუღლეთა მაკურთხეველო;

გიხაროდენ, გლახაკთა შესავედრებელო და მწყალობელო;

გიხაროდენ, ღმრთის-მბრძოლობისა წყუდიადისა განმაქარვებელო;

გიხაროდენ, შენდამი შევედრებულთა საპყრობილეთა და საკრველთაგან განმათავისუფლებელო;

გიხაროდენ, ზღუათა ღელვათაგან უვნებელად განმარინებელო;

გიხაროდენ, სასტიკად მოწყლულთა განმკურვნელო;

გიხაროდენ, შჯლთა ზედა დამწუხარებულთა დედათა ნუგეშინისმცემელო;

გიხაროდენ, ყრმათა ყოვლისა სიბილწისა და მანკიერებისაგან გამომჰსნელო;

გიხაროდენ, მათთჳს ყოვლისა კეთილსა და ღმრთივ-სათნოდსა შემმოსველო;

გიხაროდენ, სძალო უსძლოო.

## კონდაკი 7

წმიდისა ხატისა შენისა სურვილითა აღეტყინა ეპისკოპოსი იგი ყაზანისაჲ და ბრძანა რაჲ გამოსახვად პირისა მისისაჲ, დიდითა

პატივითა მიაბრძანა რადფისა მონასტერსა, მით აკურთხა უდაბნოსა შინა ახლად-აგებული საყოფელი იგი ბერთაჲ, და დაუცხრომელად ითხოვდა შენგან, ღმრთისმშობელო, რადთა მიმადლო სავანესა მას მშვიდობაჲ, სამწყსოთა მისთა წყალობაჲ და განწმედაჲ ღმრთისა მიმართ მკურვალედ მგალობელთა: ალილუია.

## იკოსი 7

ვითარცა ძუელადვე ივერიითგან რუსეთს მიწევნული საკვრველთმოქმედი ხატი შენი იქმოდა სასწაულთა ყოვლად-დიდებულთა, ეგრეცა სხუანიცა იგი პირნი ხატისანი მდიდრად აღმოა-დინებდენ კურნებათა ყოვლად საკვრველთა და აღუსრულებდენ კეთილთა თხოვათა, ხოლო მხედველნი მადლისანი, რომელი აღმოეცენებოდა წმიდათაგან ხატთა შენთა, შეგასხავდენ ქებასა:

გიხაროდენ, წყარო, ყოველთათჳს სიცოცხლისა წყლისა გამომადინებელო;

გიხაროდენ, საღმრთოჲსა სიყუარულისა გამომავლინებელო;

გიხაროდენ, მჭმუნვარეთა და ჭირვეულთა განმამხიარულებელო;

გიხაროდენ, ცოდვისა და უმეცრებისა წყუდიადისა განმაბრწყინებელო;

გიხაროდენ, ბიწიერებითა ცოდვისაჲთა შეპყრობილთა განმბანველო;

გიხაროდენ, მვედრებელთა მიმართ წყალობით მიდრეკილო და მოსავთა შენთა განმამცნევებელო;

გიხაროდენ, განწირულთა სიკუდილისაგან გამომკსნელო;

გიხაროდენ, ჭირთა მძვნვარეთა მსწრაფლ განმდევნელო;

გიხაროდენ, ვნებათა აღმურისა და ბოროტთა სნეულებათა განმკდელო;

გიხაროდენ, ქალწულთა უბიწოთა მცველო უძილო და მფარველო;

გიხაროდენ, ბოროტისა უკრძალველობისაგან დამკსნელო;

გიხაროდენ, სულთა განმხრწნელთა დამამკობელო;

გიხაროდენ, სძალო უსძლოო.

## კონდაკი 8

რაჟამს ესმა ქართველთა, რამეთუ მრჩობლნი საკვრველებანი საკვრველებათა ზედა აღესრულებოდა ხატისაგან ქართულისა, ერთბამად აღივსნეს შურითა საღმრთოთა და კურთხევითა პატიოსანთა მღდელთადათა გამოწერნეს პირნი მამულისა ხატისანი, რადთა იყუნეს შემწე და ჯელისაღმპყრობელი ყოველთა ჭირთა შინა მყოფთა, და მკვდრთა ქუეყანისა ჩუენისათა ისწაონ ჟამსა განსაცდელისასა შევრდომად მისდა, და გალობად მხოლოდშობილისა ძისა შენისა: ალილუია.

## იკოსი 8

ვითარ მიუბოძე წმიდად ხატი შენი რუსეთისა ეკლესიასა, ბრწყინვალე სამკაულად და მოსაჯსენებელად სიწმიდისა შენისა, ეგრეთვე აწ შეამკვევ წმიდად და სამოციქულოდ ეკლესიად ქართველთად, და დედობრივისა შენისა გულმოწყალებისა ესევეთარნი კურთხევანი და მადლნი მოანიჭე ახლად გამოხატულთა ხატთა შენთა, რომელ ყოველი მისდა შევედრებული აღმოვივსებდეს საღმრთოთა ნაკადთა აღმომდინარეთა უშურველად, და მიიღებდეს სარწმუნოებითა თხოვასა, რომელიცა პატივს-სცემს ხატსა შენსა სანთლისა დანთებითა და შესწირავს შენდა სამადლობელსა შესხმასა:

გიხაროდენ, ხედვითა წმიდისა ხატისა შენისადათა ჩუენ ყოველთა დამატკობებლო;

გიხაროდენ, გულსა შინა ჩუენსა სასოებისა და საღმრთოდასა სიყუარულისა დამნერგველო;

გიხაროდენ, მოწყურებულთა სულთა უხრწნელებისა და სიხარულისა წყაროდთა დამაურწყებლო;

გიხაროდენ, აღვრ-უსხმელთა და ნაყროვანთა დამაოკებლო;

გიხაროდენ, საფრჯეთაგან ეშმაკისადათა, საცთურისაგან სოფლისა და მძლავრებისაგან ჯორცთადასა დამჯსნელო;

გიხაროდენ, აგარის შვლთა განძნებულთაგან დამცველო;  
გიხაროდენ, ქრისტეს მოსახელეთა მკედრობათა მფარველო;  
გიხაროდენ, რწმენისა და მამულისთვს დამაშვრალთა მწყალობელო;  
გიხაროდენ, ურწმუნოთა რქისა შემმუსრველო და უკეთურთა და  
უდებთა მარცხვენელო;  
გიხაროდენ, ერთმორწმუნეთა შორის შულლისა და მტერობისა  
სიყუარულითა და მშვდობითა შემცვალელებლო;  
გიხაროდენ, კეთილსა საქმეთა შედგომილთა შემყუარებელო;  
გიხაროდენ, ბოროტად მადიდებელთა კადნიერებისა და სივერაგისა  
შემმუსრველო;  
გიხაროდენ, სძალო უსძლოო.

### კონდაკი 9

ვითარ იკსენ, უბიწოო, ყოვლისაგან ჭირისა და კუეთებისა ხატსა  
შენსა შევედრებული სამწყსოო ეგე რუსეთისაო, ეგრეთვე აწ მთავართა  
და განმგეთა მათთა შთაუნერგე გულსა შინა თვსთა სიყუარული  
წილად ხდომილისა ერისა შენისაო, რადთა, რომელნიცა ძემან შენმან  
და ღმერთმან ჩუენმან ჯორცითა და სისხლითა თვსითა მოგვყიდნა,  
სიყუარულითა და მშვდობით ვცხონდებოდეთ, და  
სამწმიდაარსობისა გალობითა სამებასა წმიდასა ვადიდებდეთ:  
ალილუია.

### იკოსი 9

ვითარცა იქადის რუსთა ქუეყანაო, ხატისა შენისა მწიალებელი,  
ეგრეთვე აწ იხარებს ერი ჩუენი, მსგავსებისა მისისა მიმღებელი,  
რამეთუ კურნებასა და მადლსა ჭემმარიტსა და წყალობასა  
უშურველად აღმოაცენებს ახლად-დაწერილი ხატი შენი, ვითარცა  
წყაროდ დაუწყუედელი, და აჰა, ღირსად და ჭემმარიტად გნატრით  
შენ, ქალწულო, ღმრთისა დედაო, მართლმადიდებლობითა  
თაყუანისმცემელნი და სურვილით ესრეთ მგალობელნი:

გიხაროდენ, კარო ზეცისაო და ბჭეო ცხორებისაო;  
გიხაროდენ, აპრონისა კუერთხო წმიდაო, იესეს ძირისაო;  
გიხაროდენ, უხილავო მფარველო სიწმიდისა და უმანკოებისაო;  
გიხაროდენ, წყაროო წყალობისაო და ზღუაო კაცთმოყუარეობისაო;  
გიხაროდენ, მარწუხო, საუფლოდსა მის ნაკვერცხალისაო;  
გიხაროდენ, ტაკუკო ოქროსაო, მტვრთველო საღმრთოდსა მანანადსაო;  
გიხაროდენ, ფეშუმო, მტვრთველო ტარიგისა ღმრთისაო;  
გიხაროდენ, საუნჯეო პატიოსანო, უსასყიდლოდსა მის მარგარიტისაო;  
გიხაროდენ, ვარსკულავო ელვარეო, მომფენელო დღისა დაუღამებელისაო;  
გიხაროდენ, ღრუბელო ნათლისაო, გამომაბრწყინვებელო მზისა სიმართლისაო;  
გიხაროდენ, მხოლოო დედაო მეუფისა სიცოცხლისაო და სიკუდილისა დამთრგუნველისაო;  
გიხაროდენ, შემამკობელო კაცთა ბუნებისაო;  
გიხაროდენ, სძალო უსძლოო.

### კონდაკი 10

აჰა, მწუხარეთა ნათელი და სნეულთა მკურნალი მოგვემადლა ჩუენ და ხატი ესე ცხოველსმყოფელი წილხდომილთა შენთა უფროდს მზის ნათლისა გამოგვბრწყინდა, რომლისა პირის-პირ ხილვისა ღირს ქმნილნი, თუალთა სულისათა ფრთოვან-ვჰყოფთ, გონებასა ჩუენსა პირმშოდსა მის სახისა შენისა აღვამალლებთ, და პატივს-ვსცემთ მსგავსებასა შენსა და ხატსა, ღმრთისმშობელო, და უფალსა ერთ-ჰმობით უღადადებთ: ალილუია.

### იკოსი 10

ვითარცა ძუელ-ოდესმე ბრწყინვალედ იხარებდა ერი ჩუენი და პატივს-სცემდა ხატსა შენსა, ეგრეთვე აწ ამბორს-უყოფთ, უბიწოო,

მადლისა და წყალობისა ჩუენდამო მწყალობელსა, და მადლსაცა კურნებათასა აღმოვივსებთ, და განვთავისუფლდებით სულიერთა და ჯორციელთა უძლურებათაგან, რამეთუ იქმნების, ვითარცა წყაროდ უკუდავებისაჲ სნეულთა და უძლურთათჳს და წყალობათა მომნიჭებელი მგალობელთათჳს შენთა:

გიხაროდენ, უწმიდესო ქერუბიმთა და სერაბიმთაო და უაღრესო ყოველთა დაბადებულთაო;

გიხაროდენ, კრეტსაბმელო, შორის ღმრთისა და კაცთაო;

გიხაროდენ, პორფირო, მფარველო მორწმუნეთაო და მწყალობელო მოწესეთაო;

გიხაროდენ, ზღუდეო და სასოებაო კეთილმოშიშთა მღდელთაო;

გიხაროდენ, ტკბილო განსასვენებელო დამაშვრალთა და ტვრთმძიმეთაო;

გიხაროდენ, სასოო განწირულთაო და ნავთსაყუდელო მყუდროო წუთისოფლისაგან დელვა გვემულთაო;

გიხაროდენ, შვლიერ-მყოფელო ბერწთა და უშვლოთაო;

გიხაროდენ, უხილავად აღმზრდელო ობოლთაო და გამომზრდელო ქვრივთაო;

გიხაროდენ, კეთილშემამკობელო და შემწეო სათნოთა სასძლოთაო;

გიხაროდენ, შემწყნარებელო ცოდვით მოწყლულთაო და ბჭეო ცხოვნებულთაო;

გიხაროდენ, გვრგვნო შარავანდედოვანო კეთილმსახურთა მეფეთაო;

გიხაროდენ, სკიპტრაო მართლმადიდებელთა ჳელმწიფეთაო;

გიხაროდენ, სძალო უსძლოო.

## კონდაკი 11

ყოველსა ქუეყანასა ჳბრწყინავს ნათელი წმიდათა და პატიოსანთა ხატთა შენთა, ქართულად წოდებულთა, რამეთუ პატივი და დიდებაჲ ხატისაჲ, სიტყჳსა მისებრ წმიდისა ბასილისა, პირმშოდსა მის სახისა მიმართ აღიწევის, არამედ აწ მიითუალე ქებაჲ ჩუენი, რომელნი ესე პატივს-ვსცემთ ყოვლად წმიდისა პირისა შენისა

დიდებულსა დახატულებასა შენსა, ღმრთისმშობელო, და დაგკვარე ქრისტესს მადიდებელი ერი: ალილუია.

## იკოსი 11

აკა, აწ შევკრბეთ ყოველნი მორწმუნენი, მხოლოდსა მის წმიდისა და უბიწოდსა ღმრთისმშობლად აღმსარებელნი, და წინა მივეგებნეთ კურთხეულსა გამოხატულებასა წმიდისა მარიამისასა, და ამბორს-უყოფდეთ ძრწოლითა ბაგითა და თუალითა, რადთა აღმოვივსოთ უფსკრულისა მისგან, მადლთა და ნიჭთა უხუად კურნებად, და ვითარცა ჰშუენის დედასა ღმრთისასა და მორწმუნეთა დედოფალსა, ძალისაებრ ჩუენისა შევსწიროთ გალობად:

გიხაროდენ, ცხორების წინამძღუარო, კურთხევისა მომნიჭებელო;

გიხაროდენ, ბუნებითა მრავალმოწყალისა ღმრთისა ჩუენზედა მოწყალე-მყოფელო;

გიხაროდენ, ქუეყანასა ზედა განბნეულთა ქართველთათჳს ნუგეშისა და ჳსნისა მიმმადლებელო;

გიხაროდენ, წმიდათა ხატთა თაყუანისცემისა მასწავლელო;

გიხაროდენ, წინაპართა ღუაწლის გამგრძელებელთა

მაკურთხეველო;

გიხაროდენ, ნაანგარევთა შემკრებთა და ვერცხლისმოყუარებასა დამონებულთა მამხილებელო;

გიხაროდენ, ყოვლისა ჭემმარიტებისა და სიმართლისა მოძულეთა მარცხვენელო;

გიხაროდენ, კაცთა მამულად სამსახურებელად და წესიერებად მომყვანებელო;

გიხაროდენ, ურწმუნოთა და განრყვნილთა კაცთა მომაქცეველო;

გიხაროდენ, მკვეცთაებრ განცოფებულთა კაცთა მომამდოვრებელო;

გიხაროდენ, ჩუენ ზედა აღდგომილთა უგუნურთა კაცთა

განზრახვისა განმაქარვებელო;

გიხაროდენ, საქართველოს ჳელმყოფელთა შემადრწუნებელო და

დამამდაბლებელი;  
გიხაროდენ, სძალო უსძლოო.

## კონდაკი 12

რომელმან აღვთქუ ჩუენ თანა ყოფად უკუნისამდე, აღასრულე, ვითარცა ღმრთისა დედამან კეთილმოწყალებმან, და ნუ გვარცხვენ ჩუენ, მსგავსად საქმეთა ჩუენტა, არამედ გვკსენ ყოველთა ურვათა და ჟამსა შინა განსჯისასა განგუარინენ საუკუნეთა მათგან მწარეთა სატანჯველთა, რადთა შენ მიერ ძლუანებულნი მივიწივნეთ ზეციერსა იერუსალჴმსა და ღირს ვიქმნეთ ყოველთა წმიდათა თანა დიდებად ცხოველსმყოფელისა სამეხისა: ალილუია.

## იკოსი 12

კურთხეულო დედათა შორის მარიამ, დაგვიფარე საფარველითა მით მადლისა შენისაათა დედობრივსა მადლსა და შეწევნასა შენსა მარადის შევრდომილნი და შენსა ნაწილსა დამკვდრებულნი, რადთა არა ჰსთქუან წარმართთა, სადა არს ღმრთისმშობელი, რომლისა მიმართ აქუთ სასოებად, და განსდევნენ ჩუენგან მტერნი იგი ჭეშმარიტებისანი და შვლნი იგი წარწყმედისანი, რომელნი აღდგომილ არიან ჩუენ ზედა, და გვკსენ, უხრწნელო, ყოვლისაგან ჭირისა და კუეთებისა, სურვილით მგალობელნი:

გიხაროდენ, შუენიერებაო იაკობისაო, რომელი შეგიყუარა ღმერთმან;  
გიხაროდენ, სძალო, გამოუცდელო ქორწილისაო, რომელმან ძჴ ღმრთისაჲ გამოუთქუმელად მუცლად იღე;

გიხაროდენ, წინადსწარ მოსწავებულო დედაო დამბადებელისაო და დედოფალო დაბადებულთაო, რომელმან ყოველთა ცხორებაჲ და მლხინებელი სძითა გამოზარდე;

გიხაროდენ, მხოლოო დედაო ჯოჯოხეთისა შემმუსრველისაო, რომელმანცა ქუეყანისანი ზეცისა უსხეულოთა შეაერთენ;

გიხაროდენ, მარჯუენით მეუფისა მდგომარეო, რამეთუ ზღუდე ხარ

და სიწმიდე აღუწერელი;  
 გიხაროდენ, ასულო დავით მეფისა, წინასწარმეტყუელისაო, რამეთუ  
 გნატრიდენ შენ ზეცისანი და ქუეყნისანი;  
 გიხაროდენ, ქუეყანაო წმიდაო, რომელმან გამოიღე დაუთესველად  
 იფქლი, საღმრთოდ გამომზრდელი ჩუენი;  
 გიხაროდენ, მაყუალო სულიერო, რომელი არა შეგწვა ცეცხლმან  
 ღმრთეებრივმან;  
 გიხაროდენ, მთაო წმიდაო და პოხილო, რომლისაგან გამოეკვეთა  
 ლოდი თჳნიერ ჳელისა;  
 გიხაროდენ, ვარდო ღმრთივშუენიერო, რამეთუ ქალწულებისა  
 სულნელებითა სულნელ-ჳყუენ ცისკიდენი და აღავსენ ნათლითა;  
 გიხაროდენ, მადლთა და ნიჭთა საღმრთოთა საუნჯეო, რამეთუ  
 შენდა მომართ მოლტოლვილ ვართ, ვითარცა დღეკეთილობათა  
 შინა, ეგრეცა იწროებათა შინა ცხორებისათა;  
 გიხაროდენ, ძლევაშემოსილო მსწრაფლ-შემსმენელო ჩუენო, რამეთუ  
 შენ მიერ ვსძლევთ მტერსა და ვცხონდებით ოხითა შენითა;  
 გიხაროდენ, სძალო უსძლოო.

### კონდაკი 13

ჴ, დიდებულო დედოფალო, ღმრთისმშობელო მარიამ, ჴირთა და  
 ურვათა და განსაცდელთაგან შეიწრებული შენდა მოჳვლტით და  
 მჳურვალედ გევედრებით, შეიწყნარენ, ვითარცა ტკბილ ხარ, უნდოდ  
 ესე გალობად, რომელთაცა შენდა შევწირავთ კეთილმოშიშებითა, და  
 გვთხოვე შენგან შობილისაგან მადლი, კურთხევა და წყალობად,  
 რადთა შევიდეთ სიხარულსა საღმრთოსა და დიდებასა წმიდათასა,  
 ღმრთისა მიმართ დაუცხრომელად მაგალობელნი: ალილუია.

*ეს კონდაკი 3-გ ჴის, შემდეგ*

## კონდაკი 1

ყოველთა ნათესავთაგან გამორჩეულო დედაო ღმრთისაო და დედოფალო ზეცისა და ქუეყანისაო, რომელნი ღირს ვიქმენით ხილვად ბრწყინვალისა ამის ხატისა შენისა, სარწმუნოები-თა გიგალობთ შენ და შეგამკობთ ქებითა საღმრთოთა, არამედ ვითარცა უწყი უძლურებად ბუნებისა ჩუენისა, შეიწირე ვედრებად ჩუენი და გვკსენ ყოვლისაგან ჭირისა და საფრჯისაგან მტერისა, რათა გიგალობდეთ შენ, კურთხეულო: გიხაროდენ, სძალო უსძლო.

## იკოსი 1

მწყობრნი მთავარანგელოზთა და ანგელოზთანი დიდებისგმეტყუელებენ შენ, ქალწულო, ღმრთისა დედაო, და ზეცისა ძალთა კრებულნი დაუდუმებელად გადიდებენ და გიგალობენ შენ, ვითარცა ზეციერისა მკედრობისა მეუფისა მშობელსა, ხოლო ჩუენ სარწმუნოებითა ამბორს-უყოფთ საკვრველსა ხატსა შენსა, უბიწო, და ძალისაებრ ჩუენისა შეგითხზნავთ გალობასა:

გიხაროდენ, წმიდასა შინა წმიდათასა აღზრდილო სძალო მამისაო და სულისა წმიდისა სამკვდრებელო;

გიხაროდენ, სიტყვსა ღმრთისა წმიდაო საყოფელო;

გიხაროდენ, მართლმადიდებელთა ძლიერო საჭურველო;

გიხაროდენ, დიდებისა ღმრთისა სულიერო ტაძარო;

გიხაროდენ, ქალწულთა წინამძღუარო;

გიხაროდენ, წიაღსა შინა შენსა უკუდავისა ღმრთისა დამტევნელო;

გიხაროდენ, ქალაქო ღმრთისაო დიდებულო, მთასა ზედა

დაშენებულო;

გიხაროდენ, კიდობანო ძუელისა და ახლისა სჯულისაო, ქალაქსა სამეუფოსა დასაყდრებულო;

გიხაროდენ, წინაღსწარმეტყუელთაგან დედად ღმრთისა წინაღსწარ ქადაგებულო;

გიხაროდენ, კიბეო, ქუეყანასა ზედა ღმრთისა გარდმომყუანებელო;  
გიხაროდენ, ჳიდო, ზესთა სოფლად კაცთა ამამალლებელო;  
გიხაროდენ, ქრისტეანეთა მეოხო, უფლისაგან ბოძებულო;  
გიხაროდენ, სძალო უსძლოო.

### სავედრებელი ლოცვა

ჟ, ყოვლადმოწყალეო დედოფალო, ქალწულო ღმრთისმშობელო, რომელმან შევ ღმერთი ჳორცითა, სარწმუნოებითა მლოცველთა თხოვად ყოველი აღგვისრულე, ეკლესიაჲ განაბრწყინვე, მღდელობაჲ სიწმიდითა განაშუენე, მეფობაჲ კეთილმსახურებითა აღამალე, მთავრობაჲ ღმრთისმოყუარებითა განანათლე, მხედრობაჲ ახოვნებითა განაძლიერე, მწუხარეთა ტანჯვად აღუსუბუქე, უძლურთა სიმრთელჳ მიჳმადლე, მოწყლულთა და განრღვეულთა კურნებაჲ მიანიჳე, სნეულებანი თუალთანი განჳკურნენ, ყრუთა სმენაჲ აღუდგინე, შეპყრობილთაგან სულნი ბოროტნი განსდევნენ, ჩაგრულთა შეეწიე, ცოდვილთა შეუნდევე, კეთროვანნი განსწმიდენ, ყრმანი შეიწყალენ, უნაყოფოთა შჳლიერებაჲ აღუდგინე, ტყუენი საპყრობილეთა და საკრველთაგან გამოიჳსენ, და ყოველნი შენდა მომართ მსასოებელნი ხილულთა და უხილავთა მტერთაგან დაგვფარენ, რამეთუ შენ გაქუს მეოხებაჲ ქრისტჳს ღმრთისა მიმართ და მოტევებაჲ ცოდვათაჲ ყოველთა ქრისტეანეთათჳს.

ჟ, ყოვლადწმიდაო ღმრთისმშობელო მარიამ, შენსა დედობრივსა მადლსა და შეწევნასა მარადის შევრდომილნი გუაკურთხენ და განგვწმიდენ ცისკროვანებითა საკრველთმოქმედისა ხატისა შენისაჲთა და დაიფარე ქუეყანაჲ ივერიისაჲ წვალებისაგან და სჯულისაგან უცხოჲსა, ხოლო მკჳდრნი მისნი ყოვლისაგან მჳირისხილვისა, რამეთუ დავივიწყეთ კეთილმოქმედებაჲ წინაჳართა ჩუენთაჲ და მივემსგავსეთ ერთა უცხო თესლთა და ნათესავთა აღბორგებულთა, საწუთოდსა ამის მოყუარესა, განდგომილსა ქრისტჳსგან, რომელთაგან ვისწავეთ საქმენი მათნი და ვჳმონებთ გულის თქუმასა გულთა ჩუენთასა მიბაძვითა მათითა, ვითარცა

უსასოონი ქრისტესგან და დამვიწყებელი საუკუნოდსა ცხორებისანი. მოწყალებითა შენითა წარგზმართე დღენი ცხორებისა ჩუენისანი სათნოებითა და კუალად განგვიახლე მჭურვალე სიყუარული სარწმუნოებისაჲ, კეთილმსახურისა მეფისაჲ და ღმრთისაგან ბოძებულისა მამულისაჲ და დავითისა თესლითგან აღამალე რქაჲ ცხებულებისაჲ. მრავალშემძლებელითა ძალითა შენითა განაძლიერე დიდი მეუფე ჩვენი - უწმიდესი და უნეტარესი, სრულიად საქართველოს კათოლიკოს-პატრიარქი, მცხეთა-თბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი, მამაჲ ჩვენი ილია და ყოვლად-სამღდელონი მიტროპოლიტნი, მთავარეპისკოპოსნი და ეპისკოპოსნი, და ყოველნი სამღდელონი და სამონაზნო წესნი. კეთილმორწმუნენი, მხედართმთავარნი, და ქალაქთმთავარნი, და ყოველნი ქრისტესმოყვარულ მხედრობაჲ და კეთილისმყოფელნი ჩვენნი, და ყოველნი მართლმადიდებელნი ქრისტეანენი, ევედრე ძესა შენსა და ღმერთსა ჩუენსა, რადთა შეგვინდოს განდგომილებანი, ეკლესიათა ნგრევანი, ღმრთისმსახურთა მკვლელობანი, ღალატი, შური, და უწესობანი, საშოსა შინა ჩვილთა ჩუენთა კლვანი და სხვანიცა შეცოდებათა ჩუენთა სიმრავლენი.

ჟ, ღმრთივბრწყინვალეო დედოფალო მარიამ, ვითარცა გაქუს კადნიერებაჲ დედობრივი, ევედრე სახიერებითა შუენიერსა და კაცთმოყუარებითა ყოვლად ტკბილსა ძესა შენსა და ღმერთსა ჩუენსა, რადთა წმიდათა მამათა მიერ გარდამოცემულსა სარწმუნოებასა შინა განვმტკიცდეთ, ვიდრე აღსასრულადმდე ცხორებისა ჩუენისა, და ყოველთა მცნებათა მიმართ უფლისათა დაუბრკოლებელად ვიდოდეთ და ყოველთა დღეთა ცხორებისა ჩუენისათა ვსცხონდებოდეთ სიწმიდითა და ღმრთისმოსავობითა, და სათნო ვეყუნეთ შენგან შობილსა და ღირს ვიქმნეთ სასუფეველსა მისსა, რომელი განუმზადა მოყუარეთა თვსთა, რომელსა შუენის ყოველი დიდებაჲ, პატივი და თაყუანისცემაჲ, თანა მამით და სული წმიდითურთ, აწდა მარადის, და უკუნითი უკუნისამდე, ამინ.

ღირს არს ჭეშმარიტად, რადთა გადიდებდეთ, შენ, ღმრთისმშობელო, რომელი მარადის სანატრელ იქმნენ, ყოვლადუბიწოდ და დედად ღმრთისა ჩუენისა, უპატოსნესსა ქერუბიმთასა და აღმატებით უზესთაესსა სერაფიმთასა, განუხრწნელად მშობელსა სიტყვსა ღმრთისაჲსა, მხოლოსა ღმრთისმშობელსა გალობით გადიდებდეთ.

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ. უფალო,

შეგვწყალებნ (3-გზის).

უფალო, იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაჲთა და ყოველთა წმიდათაჲთა, შეგვწყალებნ ჩუენ, ამინ.

*ავტორ-შემდგენელი: თინათინ მჭედლიშვილი*

